

**Broj: 06-03-771-05/59/18**  
**Mostar, 10.09.2019. godine**

Na osnovu člana 17., člana 18., člana 19. stav (1) i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 200. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16) i člana 18. stav (1) tačka a) i stav (2) Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za izdavanje dozvole za rad (licence) za skladištenje naftnih derivata osim LPG-a broj 06-03-771/59/18 od 30.08.2018. godine, podnosioca zahtjeva JP Elektroprivreda BiH d.d. - Sarajevo, ZD Rudnici „Kreka“ d.o.o. – Tuzla, Mije Keroševića Guje br. 1, Tuzla, Regulatorna komisija za energiju u Federaciji Bosne i Hercegovine – FERK je 10.09.2019. godine na XIII redovnoj sjednici donijela sljedeće

## **RJEŠENJE**

1. Odbija se Zahtjev za izdavanje dozvole za rad (licence) za skladištenje naftnih derivata osim LPG-a podnosioca JP Elektroprivreda BiH d.d. - Sarajevo, ZD Rudnici „Kreka“ d.o.o. – Tuzla broj 06-03-771/59/18 od 30.08.2018. godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

## **Obrazloženje**

Dana 30.08.2018. godine FERK je pod brojem 06-03-771/59/18 primio Zahtjev za izdavanje dozvole za rad (licence) za skladištenje naftnih derivata osim LPG-a podnosioca zahtjeva JP Elektroprivreda BiH d.d. - Sarajevo, ZD Rudnici „Kreka“ d.o.o. – Tuzla.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 23. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je podnosiocu zahtjeva 13.09.2018. godine uputio Obavještenje o nedostacima podnesenog Zahtjeva za izdavanje dozvole za rad (licence) za skladištenje naftnih derivata osim LPG-a pod brojem 06-03-771-01/59/18, te ga istovremeno uputio na odredbe člana 9. stav (3) i stav (6), člana 12. stav (1), člana 19. i člana 23. Pravilnika o izdavanju dozvola za rad (licenci) za obavljanje energetskih

djelatnosti iz sektora naftne privrede. Naime, članom 9. stav (3) navedenog pravilnika propisano je da popunjen obrazac zahtjeva za izdavanje dozvole za rad (licence) sa potpunom pratećom dokumentacijom treba biti ovjeren i potpisan od podnosioca, odnosno njegovog zakonskog zastupnika ili ovlaštenog opunomoćenika, dok je stavom (6) istog člana propisano da se prateća dokumentacija prilaže u originalu ili ovjerenj kopiji, s tim da ne smije biti starija od 60 dana. Članom 12. stav (1) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 19. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za rad (licenci) za obavljanje energetske djelatnosti, a članom 23. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad (licence) za skladištenje naftnih derivata osim LPG-a. FERK je podnosiocu zahtjeva odredio rok od osam dana radi otklanjanja uočenih nedostataka navedenih u obavještenju, te je upozoren da u slučaju da ne otkloni nedostatke u datom roku FERK će smatrati da zahtjev nije ni podnesen.

Postupajući po navedenom obavještenju, podnosilac zahtjeva je u FERK 19.09.2018. godine dostavio dio tražene dokumentacije primljene u FERK pod brojem 06-03-771-02/59/18. FERK je u cilju upotpunjavanja zahtjeva 15.03.2019. godine pod brojem 06-03-771-03/59/18 podnosiocu uputio Zahtjev za informacijama. Navedenim zahtjevom podnosilac je upućen da zahtjev treba dopuniti sa dokazima propisanim članovima 19. i 23. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i to kako slijedi: aktuelni izvod iz sudskog registra nadležnog suda iz člana 19. tačka a); statut podnosioca zahtjeva iz člana 19. tačka b); obavještenje o razvrstavanju pravnog lica prema djelatnosti nadležne službe za statistiku iz člana 19. tačka c); uvjerenje nadležne porezne uprave, ukoliko je podnosilac zahtjeva obaveznik i uvjerenje o registraciji/upisu u Jedinstveni registar obaveznika indirektnih poreza iz člana 19. tačka d); uvjerenje o izmirenju poreznih obaveza iz člana 19. tačka e); organizaciona struktura podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); dokaz da podnosilac zahtjeva ima pravni osnov za korištenje objekata, postrojenja, uređaja, opreme i/ili transportnih jedinica za obavljanje energetske djelatnosti za koju podnosi zahtjev iz člana 19. tačka g); bilans stanja i bilans uspjeha za prethodnu godinu, a za novoosnovano pravno lice početni bilans iz člana 19. tačka h); izjava o svim otvorenim transakcijskim računima podnosioca zahtjeva sa priloženom potvrdom poslovne banke kod koje se nalazi glavni račun o solventnosti tog računa iz člana 19. tačka i); uvjerenje nadležnog organa, da podnosilac zahtjeva, kao i lica ovlaštena za zastupanje podnosioca zahtjeva u skladu sa izvodom iz sudskog registra, nisu bili u posljednjih pet godina pravosnažno osuđeni za kazneno djelo povezano sa obavljanjem energetske djelatnosti iz člana 19. tačka k); uvjerenje nadležnog suda da se nad podnosiocem zahtjeva ne vodi stečajni ili likvidacioni postupak iz člana 19. tačka l); dokaz o uplati jednokratne naknade za obradu zahtjeva iz člana 19. tačka m); opis tehnološkog procesa obavljanja licencirane djelatnosti (šema postrojenja i manipulacije naftnim derivatima) iz člana 23. tačka a); tabelarni pregled objekata, skladišta, uređaja i opreme za obavljanje licencirane djelatnosti, sa podacima o

skladišnim kapacitetima iz člana 23. tačka b); kopija katastarskog plana lokacije na kojoj se obavlja licencirana djelatnost iz člana 23. tačka c); okolinska dozvola (sa klauzulom pravosnažnosti), gdje je propisano iz člana 23. tačka d); odobrenje za upotrebu objekata i postrojenja (sa klauzulom pravosnažnosti) iz člana 23. tačka e); dokaz o položenom stručnom ispitu za odgovorno lice u skladištu/terminalu naftnih derivata iz člana 23. tačka f); uvjerenja nadležnih organa o ispunjavanju tehničkih i drugih uslova koje trebaju ispunjavati skladišta tekućih naftnih goriva-terminala iz člana 23. tačka g); dokaz o izvršenom periodičnom pregledu skladišta naftnih derivata obavljenih od ovlaštene institucije (elektroinstalacija, protivpožarna instalacija, strojevi i uređaji, mjeraci protoka tekućih goriva, vage i dr.) iz člana 23. tačka h); dokaz o zapremini skladišta (tabele zapremine rezervoara) izdate od ovlaštene institucije iz člana 23. tačka i); rješenja nadležnih inspeksijskih organa u vezi sa kontrolom kvaliteta naftnih derivata u periodu od 12 mjeseci prije dana podnošenja zahtjeva za izdavanje dozvole za rad (licence) iz člana 23. tačka j). Ovim zahtjevom podnosiocu je u skladu sa članom 13. Pravilnika o javnim raspravama i rješavanju zahtjeva, sporova i žalbi ostavljen rok od osam dana od primitka navedenog zahtjeva za informacijama u FERK dostavi traženu dokumentaciju i obrazloženja.

Postupajući po navedenom Zahtjevu za informacijama, podnosilac zahtjeva nije dostavio dokumentaciju koja je tražena. FERK je 11.06.2019. godine primio dopis Federalnog ministarstva energije, rudarstva i industrije primljen u FERK pod brojem 06-03-771-04/59/18, u kojem je navedeno ministarstvo po traženju podnosioca zahtjeva dalo mišljenje o obavezi podnosioca zahtjeva pribaviti dozvolu za rad (licencu) za skladištenje naftnih derivata osim LPG-a, te o mogućnosti FERK-a izdavanja predmetne dozvole za rad (licence) podnosiocu zahtjeva kao energetske subjektu koji nastavlja obavljati jednu od energetske djelatnosti, u skladu sa članom 51. Zakona o naftnim derivatima u Federaciji Bosne i Hercegovine, a na osnovu neizmjenjenog obavještenja o razvrstavanju djelatnosti.

Podnosilac zahtjeva nije u određenom roku dostavio dokaze u skladu sa Pravilnikom o izdavanju dozvola za rad (licenci) za obavljanje energetske djelatnosti iz sektora naftne privrede i to: aktuelni izvod iz sudskog registra nadležnog suda iz člana 19. tačka a); statut podnosioca zahtjeva iz člana 19. tačka b); obavještenje o razvrstavanju pravnog lica prema djelatnosti nadležne službe za statistiku iz člana 19. tačka c); uvjerenje nadležne porezne uprave, ukoliko je podnosilac zahtjeva obaveznik i uvjerenje o registraciji/upisu u Jedinstveni registar obaveznika indirektnih poreza iz člana 19. tačka d); uvjerenje o izmirenju poreznih obaveza iz člana 19. tačka e); organizaciona struktura podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); dokaz da podnosilac zahtjeva ima pravni osnov za korištenje objekata, postrojenja, uređaja, opreme i/ili transportnih jedinica za obavljanje energetske djelatnosti za koju podnosi zahtjev iz člana 19. tačka g); bilans stanja i bilans uspjeha za prethodnu godinu, a za novoosnovano pravno lice početni bilans iz člana 19. tačka h); izjava o svim otvorenim transakcijskim računima podnosioca zahtjeva sa priloženom potvrdom poslovne banke kod koje se nalazi glavni račun o solventnosti tog računa iz člana 19. tačka i); uvjerenje nadležnog organa, da podnosilac zahtjeva, kao i lica ovlaštena za zastupanje podnosioca zahtjeva u skladu sa izvodom iz sudskog registra, nisu bili u posljednjih pet godina pravosnažno osuđeni za kazneno djelo povezano sa obavljanjem energetske djelatnosti iz člana 19. tačka k); uvjerenje nadležnog suda da se

nad podnosiocem zahtjeva ne vodi stečajni ili likvidacioni postupak iz člana 19. tačka l); dokaz o uplati jednokratne naknade za obradu zahtjeva iz člana 19. tačka m); opis tehnološkog procesa obavljanja licencirane djelatnosti (šema postrojenja i manipulacije naftnim derivatima) iz člana 23. tačka a); tabelarni pregled objekata, skladišta, uređaja i opreme za obavljanje licencirane djelatnosti, sa podacima o skladišnim kapacitetima iz člana 23. tačka b); kopija katastarskog plana lokacije na kojoj se obavlja licencirana djelatnost iz člana 23. tačka c); okolinska dozvola (sa klauzulom pravosnažnosti), gdje je propisano iz člana 23. tačka d); odobrenje za upotrebu objekata i postrojenja (sa klauzulom pravosnažnosti) iz člana 23. tačka e); dokaz o položenom stručnom ispitu za odgovorno lice u skladištu/terminalu naftnih derivata iz člana 23. tačka f); uvjerenja nadležnih organa o ispunjavanju tehničkih i drugih uslova koje trebaju ispunjavati skladišta tekućih naftnih goriva-terminala iz člana 23. tačka g); dokaz o izvršenom periodičnom pregledu skladišta naftnih derivata obavljenih od ovlaštene institucije (elektroinstalacija, protivpožarna instalacija, strojevi i uređaji, mjerači protoka tekućih goriva, vage i dr.) iz člana 23. tačka h); dokaz o zapremini skladišta (tabele zapremine rezervoara) izdate od ovlaštene institucije iz člana 23. tačka i); rješenja nadležnih inspeksijskih organa u vezi sa kontrolom kvaliteta naftnih derivata u periodu od 12 mjeseci prije dana podnošenja zahtjeva za izdavanje dozvole za rad (licence) iz člana 23. tačka j.

Budući da je u ovom predmetu Federalno ministarstvo energije, rudarstva i industrije dostavilo FERK-u svoje mišljenje 11.06.2019. godine pod brojem 06-03-771-04/59/18, u kojem je navelo da se podnosiocu zahtjeva može izdati dozvola za rad (licenca) uz napomenu da ista važi samo za lične potrebe i ukoliko isti ispunjava i druge potrebne uslove za ishodovanje tražene dozvole za rad (licence), FERK je cijenio isto u skladu sa načelima zakonitosti i samostalnosti u rješavanju. U tom smislu je uzeo u obzir činjenicu da se na osnovu člana 9. tačka e), člana 11. stav (1) i člana 19. stav (3) tačka b) Zakona o naftnim derivatima u Federaciji Bosne i Hercegovine za skladištenje naftnih derivata osim LPG-a izdaje svim energetske subjektima ista vrsta dozvole – dozvola za rad (licenca) za skladištenje naftnih derivata osim LPG-a, bez obzira obavlja li se predmetna energetska djelatnost za lične potrebe. Slijedeći navedeno, nije opravdano mišljenje Ministarstva da se može izdati dozvola za rad (licenca) podnosiocu zahtjeva uz napomenu da ista važi samo za lične potrebe. Takođe, FERK je imao u vidu odredbu člana 10. stav (2) Zakona o naftnim derivatima u Federaciji Bosne i Hercegovine, kojom je propisano da se energetske djelatnostima iz člana 9. tog Zakona ne mogu baviti privredna društva kojima promet naftnim derivatima nije osnovna djelatnost. U smislu navedene odredbe, podnosilac zahtjeva je trebao dostaviti odgovarajuće obavještenje o razvrstavanju pravnog lica prema djelatnosti nadležne službe za statistiku iz člana 19. tačka c) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Obzirom na navedeno, a da podnosilac Zahtjeva za izdavanje dozvole za rad (licence) za skladištenje naftnih derivata osim LPG-a broj 06-03-771/59/18 od 30.08.2018. godine nije dokazao ispunjavanje kriterija propisanih članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, u skladu sa članom 200. Zakona o upravnom postupku i članom 18. stav (1) tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, odlučeno je kao u dispozitivu ovog rješenja.

**POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNICA FERK-a**  
**Sanela Pokrajčić**